



Australian Government



Work Experience: Drought Force

Ang Drought Force (Puwersang nauukol sa Tagtuyot) ay makatutulong sa iyo na magkaroon ng mga kasanayan at karanasan sa pamamagitan ng pagbibigay ng tulong sa indibiduwal na mga sakahan at mga komunidad pangsakahan na lubhang naapektuhan ng tagtuyot.

Ang Drought Force ay nagbibigay ng suporta para sa mga ari-arian ng sakahan at tumutulong na mahadlangan ang paglayo ng trabahong pangsakahan mula sa rehiyon.

Ang mga gawaing Drought Force ay :

- tumutulong na mabawasan ang mga epekto ng tagtuyot
- nagpapagaan sa kahirapang dulot ng tagtuyot para sa mga magsasaka at kanilang mga pamilya
- nagtitiyak na ang mga sakahan at mga ari-arian ay namamantina at nakakayanan ang tagtuyot kapag naganap ito
- naghikayat sa mga tao na manatili sa kanilang lokal na komunidad, nagpapanatili at nagpapaunlad ng lokal na mga kasanayan
- sumusuporta sa lokal na ekonomiya upang malutas ang epekto ng tagtuyot
- sumusuporta sa mga prayoridad ng lokal na komunidad.

Ang pagpupuwesto sa Drought Force ay maaaring magkakasama ang pangkat sa isang gawaing panggrupo kasama ang iba pang naghahanap ng trabaho, o maaaring maging isang pang-indibiduwal na pagpupuwesto sa isang punong abalang magsasaka.

Ang lahat ng mga kalahok sa mga Gawaing Drought Force ay dapat alukin ng may istrukturang pagsasanay, kung saan naaangkop o maaaring makuha. Maaaring kasama sa pagsasanay na ito ang akreditado o hindi akreditadong pagsasanay.

Ang mga naghahanap ng trabaho ay maaaring lumahok sa mga oras na nababagay sa iba nilang mga tungkulin, katulad ng pag-aaral, bahaging-oras o di-pirmihang trabaho o mga tungkulin bilang magulang.

Lokasyon ng mga Gawaing Drought Force

Ang mga Gawaing Drought Force ay maaari lamang maganap sa mga lugar na idineklara ng Australian Government as Exceptional Circumstance (EC) (Dineklara ng Pamahalaang Australia na may Di-Pangkaraniwang Kalagayang mga lugar).

Upang malaman kung ang isang lugar ay may deklarasyong EC, o karapat-dapat para sa ibang pamamaraang tulong ng Pamahalaang Australia para sa tagtuyot, bisitahin ang website ng Department of Agriculture, Fisheries and Forestry (Kagawaran ng Agrikultura, Pangisdaan at Panggugubat) sa daff.gov.au.

Drought Force 60+

Kung ikaw ay isang naghahanap ng trabaho na pumiling lumahok sa Drought Force para sa 60 oras o mahigit pa tuwing ikalawang linggo hindi ka kinakailangang maghanap ng trabaho, sa dahilang ikaw ay itinuturing na gumagawa ng mahalagang kontribusyon sa mga lokal na sakahan na naapektuhan ng tagtuyot. Gayunpaman, kakailanganin pa ring makipagkita ka nang palagian sa iyong tagapagbigay-serbisyo ng Job Services Australia (Mga serbisiyong Pantrabaho sa Australia).

Drought Force Lamang

Ang mga taong lampas sa 21 taong gulang na hindi karapat-dapat para sa suporta sa kinikita ay maaaring magboluntaryo para sa mga Gawaing Drought Force. Maaari mong lapitan nang direkta ang iyong tagapagbigay-serbisyo ng Job Services Australia para sa pagpupuwesto sa Drought Force.

Sino ang maaring lumahok?

Kung ikaw ay rehistrado sa isang tagapagbigay-serbisyo ng Job Services Australia maaari kang magboluntaryo upang makilahok sa Drought Force anumang oras, kung ikaw at ang iyong tagapagbigay-serbisyo ay magkasundo na ito ay makatutulong sa iyo.

Kung ikaw ay isang naghahanap ng trabaho na may Work Experience Activity Requirement (Pangangailangan para sa Gawaing nauukol sa Karanasang Pantrabaho), matutugunan mo ang pangangailangang ito sa pamamagitan ng pakikilahok sa Drought Force.

Kung ikaw ay isang naghahanap ng trabaho na kailangang magkumpleto ng Intensive Activity (Masinsinang Gawain) maaari mo itong magawa sa pamamagitan ng pakikilahok sa Drought Force. Aabisuhan ka ng iyong tagapagbigay-serbisyo ng Job Services Australia kung ikaw ay kinakailangang magkumpleto ng Intensive Activity.

Ang mga gawaing Drought Force ay maisasagawa lamang ng mga naghahanap ng trabaho sa boluntaryong paraan. Kung hindi mo nais magsagawa ng isang gawaing Drought Force maaari kang ilagay sa ibang nababagay na Work Experience Activity upang matupad ang iyong mga kinakailangang pakikilahok, kung saan nauugnay.

Kung ikaw ay isang naghahanap ng trabaho na tumatanggap ng suporta sa kinikita at lalahok sa Drought Force, ikaw ay magiging karapat-dapat para sa karagdagang bayad na \$20.80 tuwing ikalawang linggo upang makatulong sa iyong mga gastos sa pakikilahok.

Kung ikaw ay kalahok sa Drought Force Lamang hindi ka karapat-dapat para sa dagdag na kabayaranang ito.

Paano mag-aplay

Kung ikaw ay interesadong lumahok sa Drought Force dapat mo itong talakayin sa iyong tagapagbigay-serbisyo ng Job Services Australia,

Ang iyong mga pananagutan

Kung ikaw ay tumatanggap ng Newstart, Youth Allowance (Panustos para sa Kabataan) o Parenting Payment (Kabarayan sa Pagiging Magulang) na may kinakailangang pakikilahok, kakailanganin mong maghanap ng trabaho at makilahok sa mga gawaing makatutulong sa iyo na makakuha ng trabaho.

Isasaalang-alang ng iyong tagapagbigay-serbisyo ng Job Services Australia ang iyong personal na kalagayan at makikipagkasundo para sa naaangkop na mga gawaing isasama sa iyong Employment Pathway Plan (Plano para sa Pagkakaroon ng Trabaho).

Kung hindi mo kayang makilahok sa mga gawain, dapat mo itong talakayin sa iyong tagapagbigay-serbisyo. Kung ikaw ay nabigong tumupad sa iyong napagkasunduang mga gawain, maaaring makaapekto ito sa iyong mga kabayang suporta sa kinikita.

Ang iyong karapatan sa pagiging pribado

Ang iyong personal na impormasyon ay protektado ng *Batas sa Pagiging Pribado 1988 (Privacy Act 1988)* at ang impormasyon tungkol sa iyo ay maaari ding maging protektado ng *Batas ng Social Security (Pang-administrasyon) 1999 (Social Security (Administration) Act 1999)* (gaya halimbawa, kung ikaw ay tumatanggap ng suporta sa kita). Ang iyong impormasyon ay maaaring ibahagi sa pagitan ng mga tagapagbigay-serbisyo ng Job Services Australia, ng Department of Education, Employment and Workplace Relations (DEEWR), Centrelink at iba pang mga kagawaran at kawanihan ng Pamahalaang Australia, na nagbibigay-daan upang ang mga organisasyon ay makapagbigay sa iyo sa pinakaangkop na mga serbisyo upang matugunan ang iyong mga pangangailangan.

Para sa karagdagang impormasyon tungkol sa iyong pagiging pribado magtanong sa iyong tagapagbigay-serbisyo ng Job Services Australia, DEEWR o bisitahin ang privacy.gov.au.

Ang aming garantiya ng serbisyo para sa iyo

Garantiya ng Serbisyo

Ikaw ay patuloy na tatanggap ng personal na mga serbisyong pantrabaho na hatid ng iyong tagapagbigay-serbisyo ng Job Services Australia. Ang mga serbisyong ito ay naaangkop sa iyong mga kalagayan at pinagmulan. Upang makita ang lahat ng mga Garantiya ng Serbisyo bisitahin ang deewr.gov.au/jobservicesaustralia.

Mga Alituntunin ng Panunungkulan

Ang mga tagapagbigay-serbisyo ng Job Services Australia ay kinontrata upang maghatid ng mga serbisyong pantrabaho na pinondohan ng Pamahalaang Australia at sumang-ayon at nakalaang tumupad sa Mga Alituntunin ng Panunungkulan ng mga Serbisyong Pantrabaho (Employment Services Code of Practice). Upang makita ang Mga Alituntunin ng Panunungkulan bisitahin ang deewr.gov.au/jobservicesaustralia.

Para sa karagdagang impormasyon

Tumawag sa 13 17 64 o bisitahin ang

deewr.gov.au/jobservicesaustralia.